

EU denuncia o peche por falla de persoal da Biblioteca Municipal de Gondomar.

Escrito por Redaccion @valminorinfo
Martes, 08 Xullo 2014 21:54



Esquerda Unida Gondomar denuncia que a Biblioteca Municipal se atopa pechada por falta de persoal. O seu portavoz, Josué Villar, afirma que actualmente o préstamo de libros só é posible achegándose á concellería de Cultura, *“complicando a tarefa dos traballadores desta área e facendo que o acto de sacar un libro sexa, en lugar de incentivado, máis complicado”*.

Por outra banda, engade que a Biblioteca funciona dentro da *“escasa oferta cultural do Concello”* como sala de ordenadores, de consulta do periódico ou de sala de estudo. Actividade que agora sinala, debe desenvolverse no vestíbulo do salón de actos da Casa de Cultura, *“un espazo ruidoso e totalmente inadecuado para o estudo”*. Ademais disto, *“pra chegar á biblioteca municipal é necesario subir escaleiras, dificultando o acceso a minusválidos a mesma”*.

Responsabiliza da situación ao Concello de Gondomar polo que entenden *“unha mala xestión dos cartos públicos”*, así como ao goberno do Estado polas limitación de competencias e presupostos aos municipios que impiden a nova contratación de persoal.

EU denuncia o peche por falla de persoal da Biblioteca Municipal de Gondomar.

Escrito por Redaccion @valminorinfo
Martes, 08 Xullo 2014 21:54

EU-Gondomar demanda ” *iniciar os trámites oportunos para resolver canto antes esta situación que xa tería que estar resolta por ser previsible pra o goberno local, tras o desfile de persoal temporal ou contratado para outras tarefas* ”.